



ՓՐԿԶԻ ՀՐԱՇԱՓԱՌԻ ԵՎ ՍՈՒՐԲ ԾՆՆԴՅԱՆ ՏՈՆԵՐԻ ԱՌԹԻՎ
ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԶ
ԵՎ ԿԱԹՈՂԻԿՈՍ ՆՈՐԻՆ ՍՈՒՐԲ ՕԾՈՒԹՅՈՒՆ
Տ. Տ. ՎԱԶԳԵՆ Ա. ՀԱՅՐԱՊԵՏԻ
ԵՎ ԶՈՒՅՐ ԵԿԵՂԵՑԻՆԵՐԻ ՀՈԳԵՎՈՐ ՊԵՏԵՐԻ ՄԻԶԵՎ
ՓՈԽԱՆԱԿՎԱԾ ՈՂՋՈՒՅՆԻ ՀԵՌԱԳՐԵՐՆ
ՈՒ ԳՐՈՒԹՅՈՒՆՆԵՐԸ

Հոռմեական Կաթոլիկ Եկեղեցու Զահանայապետ Նորին Սրբություն
Տ. Տ. ՊԱՎՂՈՍ Զ ՊԱՊԻՆ (Հռոմ),
Կոստանդնուպոլսո Հունաց Տիեզերական Պատրիարք Նորին Սրբություն
ԱԹԵՆԱԳՈՐԱՍԻՆ (Ստամբուլ),
Մոսկվայի և համայն Ռուսաստանի Պատրիարք Նորին Սրբություն
ԱԼԵՔՍԻՆ (Մոսկվա),
Ալեքսանդրիայի և համայն Աֆրիկայի Պատրիարք Նորին Սրբություն
ԶՐԻՍՏԱՓՈՐԲ-ԻՆ (Ալեքսանդրիա),
Անտիոքի և համայն Արևելքի Պատրիարք Նորին Սրբություն
ԹԵՈԴՈՍԻՈՍ Զ-ԻՆ (Դամասկոս),
Երուսաղեմի Հունաց Պատրիարք Նորին Սրբություն
ԲԵՆԵԴԻԿՏՈՍԻՆ (Երուսաղեմ),
Սիրիական Օրթոդոքս Եկեղեցու և համայն Արևելքի Պատրիարք
Նորին Սրբություն ԻԳՆԱՏԻՈՍ ՀԱԿՈԲ Բ-ԻՆ (Դամասկոս),
Համայն Վրաց Պատրիարք-Կաթողիկոս Նորին Սրբություն
ԵՓՐԵՄ Բ-ԻՆ (Թբիլիսի),
Լիբանանի Մարոնիտ Պատրիարք Նորին Սրբություն
ԻԳՆԱՏԻՈՍ ԶԻԱԴԵԻՆ (Բեյրութ),
Ջենտրեբրիի Արքեպիսկոպոս, համայն Անգլիայի Եպիսկոպոսապետ և Միտրոպոլիտ
Նորին Սրբություն դոկտ. ՄԱՅՔԼ ՌԵՄԶԻՆ (Լոնդոն),
Ռումինական Օրթոդոքս Եկեղեցու Պատրիարք Նորին Սրբություն
ՀՈՒՍՏԻՆԻԱՆԻՆ (Բուխարեստ),
Բուլղարական Օրթոդոքս Եկեղեցու Պատրիարք Նորին Սրբություն
ԿՅՈՒՐԵՂԻՆ (Սոֆիա),
Սերբիայի և համայն Հարավսլավիայի Պատրիարք Նորին Սրբություն
ՀԵՐՄԱՆԻՆ (Բելգրադ),
Չեխոսլովակյան Եկեղեցու Պատրիարք Նորին Սրբություն
դոկտ. ՄԻՐՈՍԼԱՎ ՆՈՎԱԿԻՆ (Պրագա),
Աթենքի և համայն Հելլադայի Միտրոպոլիտ Նորին Սրբություն
ԽՐԻՍՈՍՏՈՍԻՆ (Աթենք),
Կիպրոսի Արքեպիսկոպոս Նորին Սրբություն ՄԱԿԱՐԻՈՍԻՆ (Նիկոպիա),
Էթիոպիայի և Արևելյան Աֆրիկայի Միտրոպոլիտ Նորին Սրբություն
ՆԻԿՈԼԱՅՈՍԻՆ (Ալեքսանդրիա),
Ղպտի Ուղղափառ Եկեղեցու Պատրիարք Նորին Սրբություն
Աբունա ԿՅՈՒՐԵՂ Բ-ԻՆ (Ալեքսանդրիա),
Համայն Եթովպիայի Պատրիարք Նորին Սրբություն
Աբունա ԲԱՍԻԼԻՈՍԻՆ (Ադդիս-Աբեբա),

Հնդկաստանի և Արևելքի Մալաբար Եկեղեցու Կաթողիկոս Նորին Սրբություն
ՏԻՄՈԹԵՈՍԻՆ (Կերալա),
Նորին Ամենապատվություն կարգինալ ԱՂԱԶԱՆՅԱՆԻՆ (Հոմ),
Հայ Կաթողիկե Եկեղեցու Պատրիարք Նորին Ամենապատվություն
ԻԳՆԱՏԻՈՍ ՊԵՏՐՈՍ ՊԱԹԱՆՅԱՆԻՆ (Բելյուք),
Արևմտյան Նյու-Յորքի Եպիսկոպոսական Եկեղեցու Առաջնորդ
ԼՈՐԻՍՏՈՆ ԼԵՎԻՆ ԳՍՏՈՆ ՍԶԵՅՑ Եպիսկոպոսին
(Նյու-Յորք),
ԱՄՆ-ում Զրիստոսի Եկեղեցիների Ազգային Խորհրդի Նախագահ
Գերարծանապատիվ Հայր Ժ. ԻՐՎԻՆ ՄՅՈՒԼԼԵՐԻՆ (Նյու-Յորք),
Լատվիական ՍՍՌ Ավետարանական-Լուսերական Եկեղեցու Արքեպիսկոպոս
Նորին Սրբապնություն ԳՈՒՍՏԱՎ ՏՈՒՐՍԻՆ (Ռիգա),
Էստոնական ՍՍՌ Ավետարանական-Լուսերական Եկեղեցու Արքեպիսկոպոս
Նորին Սրբապնություն ՅԱՆ ԿԻՅՎԻՏԻՆ (Տալլին),
Մխիթարյան Ուխտի Աբբահայր Գերհարգելի Հայր ՀՄԱՅԱԿ
Վարդապետ ԿԵՏԻԿՅԱՆԻՆ (Վենետիկ),
Մխիթարյան Ուխտի Աբբահայր Գերապայծառ Հայր ՄԵՍՐՈՊ
Վարդապետ ՀԱՊՈՅՅԱՆԻՆ (Վիեննա),
Ֆրանչիսկյան Միաբանության Կուստող
Հ. ԼԻՆՈՒՍ ԿՈՊՊԻԵԼԼԻՆ (Երուսաղեմ),
Եկեղեցիների համաշխարհային խորհրդի ընդհանուր քարտուղար
դոկտ. ՎԻԼՅԱՄ ՎԻՍՍԵՐ Գ' ՀՈՒՅՏԻՆ (Փրնկ) :

Այսօր, երբ երկնքի բարձունքներեն վերստին կյսենք մեծ ավետիալ մեր Տիրոջ և Փրկչի ծննդյան, ջերմ սրտով կուզանք շնորհավորելու Ձերդ Սրբությունը, մաղթելով, որ բարին Աստված Ձեզի պարգևե երջանիկ հովվապետության երկար տարիներ, որպեսզի Ձեր սուրբ առաքելությունը շարունակեք երկրի վրա, ի ծաղկումն Ձեր Ս. Եկեղեցվո, ի մխիթարություն Ձեր հավատացյալ ժողովրդյան և հուրախություն Հայաստանյայց Եկեղեցվո և անձամբ Մեզ:

Թող մարդասեր Փրկիչն մեր Զրիստոս Իր Ծննդյան շնորհներով աշխարհի վրա և մարդկության հոգիին մեջ ամուր և անսասան պահպանե խաղաղության և ի մարդիկ հաճության ոգին, և ընդմիջտ հեռացնե կյանքի սահմաններեն պատերապմենքու չարիքը:

ԶՋրիստոս ամուր պահած մեր սրտերուն մեջ, Մենք և Մեր Եկեղեցին պիտի աղոթենք ու գործենք վասն խաղաղության համայն աշխարհի և վասն եղբայրական սիրո ամրապնդման ի մեջ եկեղեցյաց և ժողովրդոց:

Հայ ժողովուրդի հավատքի կեդրոն բազմադարյան Ս. Էջմիածնեն մեծ ավետիս Ձեզ՝

«Զրիստոս ծնա՛ւ և յայտնեցա՛ւ»:

Եղբայրական հարգալից ողջունիվ,

ԷԶՄԻԱԾԻՆ

ՎԱԶԳԵՆ Ա
ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա,
ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ

ԷԶՄԻԱԾԻՆ

Ս. Կույսից մարմին առած Բանը Ձերդ Սրբության առատորեն պարգևի լույս և ուժ, և գալիք տարում ավելացնի Իր սերը բոլոր քրիստոնյաների մեջ և ամրապնդի Իր խոստացված խաղաղությունը բոլոր բարի կամքի մարդկանց մեջ:

ՎԱՏԻԿԱՆ

ՊԱՊ ՊՈՂՈՍ Զ

Հրեշտակները, հովիվները, այրը, մսուրը կրկին հրավիրում են մեզ լսելու մեծ ուրախության ավետիսը, որ մեզ համար այսօր ծնվել է մի Փրկիչ, որ է Զրիստոս Տերը, գալու և պաշտելու մեր Փրկիչ Զրիստոսին, երգելով՝ «Փա՛ռք ի բարձունս Աստուծոյ, և յերկիր խաղաղութիւն»:

Պաշտելով և գովաբանելով գալիք Առաջնորդին, որ հռչակվեց մարգարեները կողմից, առաջիկա մեծ տոների և ծագող նոր տարվա առթիվ, Ձերդ հույժ սիրեցյալ և մեծապես գնահատված Սրբության և Ձեր պատկառելի Եկեղեցուն եղբայրական սիրով հղում ենք մեր և մեր Եկեղեցու ջերմագին ողջույնները, աղոթելով, որ Բեթղեհեմում ծնված մեր Աստվածը միշտ բաշխի Իր շնորհը Ձերդ Սրբության, և նոր տարին Ձեզ համար լինի իրանակացած ամենայն բարությամբ և օրհնություններով:

Ողջագուրելով Ձերդ Սրբությանը սուրբ համբույրով, մնում ենք եղբայրական սիրով և բացորոշ պատվով, Ձերդ պատկառելի Սրբության սիրող եղբայր ի Զրիստոս,

ԱԹԵՆԱԳՈՐԱՍ

Տիեզերական Պատրիարք Հունաց

ՍՏԱՄԱՌԻԼ

Ձերդ Սրբություն.

Խնդության խոսքով և սիրով ողջունում եմ Ձեզ, մեր Տեր Հիսուս Զրիստոսի պայծառ Ծննդյան տոնի առթիվ:

Գնանք Նրա մոտ, անձայն, մսուրի մեջ լռակյաց, իմաստուն մոգերի ճանապարհով՝ Արևելքից, և Բեթղեհեմի խաղաղ հովիվների ուղիով: Միանա՛նք նրանց հավատին, սիրոյն և խնդության, և միասին փառք վերառաքենք բարձրյալ Աստուծուն և գոհունակություն՝ մարդկությանը հայտնության համար:

Թո՛ղ Տերը օրհնի մեզ բոլորիս առաջիկա նոր տարում՝ Իր խաղաղ և բարեբեր օրերով:

Ձերդ Սրբության եղբայրական սիրով,

ԱԼԵՔՍԻ

ՄՈՍԿՎԱ

Պատրիարք Մոսկվայի և համայն Ռուսաստանի

Հաճույքով ստացանք Ձերդ Սրբության շնորհավորական գիրը մեր Փրկչի Ծննդյան սուրբ տոների առթիվ:

Փոխադարձելով Ձեր տոնական եղբայրական ողջույնը, ամբողջ սրտով մաղթում ենք, որ նոր տարում մեր Տեր Աստվածը Ձերդ Սրբության, Ձեր եպիսկոպոսական դասուն և Ձեր Ս. Եկեղեցու աստվածասեր հոտին տա առողջություն, խաղաղություն և ի վերուստ իջյալ պարգևներ:

Մնում ենք Ձերդ Սրբության եղբայր ի Զրիստոս,

ԶԻՒՍՏԱՓՈՐ Բ

ԶԻՖԻՍԻԱ

Պատրիարք Ալեքսանդրիայի և համայն Աֆրիկայի

Ձերդ Երանություն, երանելի Հովվապետ, սիրեցյալդ ի Տեր Եղբայր և ծառայակից.

«Փա՛ռք ի բարձունս Աստուծոյ, և յերկիր խաղաղութիւն, ի մարդիկ հաճութիւն»:

Անսահման է մեր գոհունակությունը ամենաողորմած Տեր Աստուծուն և Հորը, որն արժանացրեց մեզ՝ սիրելի Երանությանդ հետ ապրել խաղաղ և առողջ մինչև այս փառահեղ և ամեն քրիստոնյայի համար թանկ օրերը, երբ մենք, լի հոգևոր խնդությամբ և եղբայրական սիրո սրտերով, բարձր հանդիսավորությամբ տոնում ենք մեր փրկության մեծ տոնը՝ Զրիստոսի Ս. Ծնունդը և նոր տարին:

Մենք ջերմագին աղերսում ենք նորածին Աստվածամանկան՝ տալ տանջված մարդկանց սերնդին ընդհանուր և մշտական խաղաղությունը, երգված մի խումբ հրեշտակների կողմից Բեթղեհեմում, Ս. Ծննդյան այդ գիշերը:

Այս խոհերով և զգացմունքներով, մենք, եղբայրական սուրբ համբույրներով, ամբողջ սրտով ողջունում և ջերմորեն շնորհավորում ենք Ձերդ Սրբության՝ Զրիս-

տոսի Ծննդյան և նոր տարվա կապակցությամբ, և անկեղծ ցանկությամբ Ձեզ երկար կյանք մաղթում: Ապրեք խաղաղ, առողջ և բարեբաստիկ՝ ի փառս Հայաստանյայց Ս. Եկեղեցու և համայն աստվածավախ հայ ժողովրդի:

Մնամք նորածին Զրիստոսի եղբայրական սիրով,

ԹԵՈՂՈՍԻՈՍ Զ

Պատրիարք Անտիոքի և համայն Արևելքի

ՂԱՄԱՍԿՈՍ

Ջերմապես շնորհակալություն ենք հայտնում Ձերդ Սրբության ուղարկած շնորհավորանքների և լավագույն մաղթանքների համար: Ի բոլոր սրտե փոխադարձում ենք դրանք, մաղթելով, որ նոր տարին լինի լի երկնային՝ օրհնություններով:

ԲԵՆԵԴԻԿՏ

Պատրիարք Երուսաղեմի Հունաց

ԵՐՈՒՍԱԳԵՄ

Ձերդ Սրբություն.

Շնորհակալություն ենք հայտնում 1964 թվականի Ս. Ծննդյան տոնի առթիվ Ձեր ուղարկած շնորհավորանքի համար: Արդարև, սա ամենաերջանիկ առիթն է, երբ մենք հրճվում ենք հավատալով, որ Աստուծո Բանը մարմնացավ երկրի վրա, որպեսզի խավարից՝ Նա մեզ փոխադրի լուսին, մահից՝ կյանքին, գերությունից՝ ազատության և այս երկրից՝ Իր երկինքը: Փառաբանենք Նրան երկնքի հյուրընկալներով և շնորհավորենք ամբողջ մարդկությանը իր Աստվածային Փրկչի ծնունդով: Թող Ս. Մանուկը պորացնի Ձերդ Սրբությանը, Ձեր սիրեցյալ Եկեղեցու համայն հոգևորականության և հավատացյալ ժողովրդի հետ, դիմավորելու Իր Ծննդյան տոնը բազում տարիներ հրճվանքով, ուրախությամբ և հպարտությամբ:

Ձերդ ի Տեր՝

ԻԳՆԱՏԻՈՍ ՀԱԿՈԲ Գ

ՂԱՄԱՍԿՈՍ

Պատրիարք Անտիոքի և համայն Արևելքի

Ձերդ Սրբություն.

Շնորհակալություն ենք հայտնում Տեր Աստուծուն՝ մարդկային ցեղին ցույց տված ողորմության համար, տալով Իր Միածին Որդուն, որպեսզի «պի ամենայն որ հաւատայ ի Նա՝ մի՛ կորիցե, այլ ընկալցի զկեանսն յաւիտենականս» (Յովհ. Գ. 16):

Բեթղեհեմում տեղի ունեցավ մեծ հրաշք—Աստված մարդու հետ միացավ, երկինքը և երկիրը գրկախառնվեցին:

Մե՛ծ բարեբախտություն, մե՛ծ ուրախություն:

«Փա՛ռք ի բարձունս Աստուծոյ և յերկիր խաղաղութիւն, ի մարդիկ հաճութիւն»:

Տիրոջ ուրախությունը ոգեշնչում և առաջ է տանում մեր հոգին, առաջնորդում Բեթղեհեմի մտորին, և փառաբանում խոնարհ սրտով և մաքուր շրթունքներով: Այս տարամերժիկ ժամանակ, Զրիստոսի Ս. Եկեղեցին ուժեղ է հույսով, որ ժողովուրդներին կբերի համաձայնության և կհաստատվի բոլորիս անհրաժեշտ խաղաղությունը երկրի վրա:

Աստվածային օրհնություն ենք ցանկանում Ձերդ Սրբության, Ձեր հովապետներին, հովիվներին, Ձեր Ս. Եկեղեցուն և բոլոր երկնային օգնություն որոնողներին և առհասարակ երկրի բոլոր ժողովուրդներին, որպեսզի առաջիկա նոր տարին՝ 1965 թվականը, լինի խաղաղության բարեբաստիկ տարի և աստվածային առատ ողորմության տարի:

Ի Զրիստոս եղբայրական սիրով, հոգևոր համբույրով և հարգանքով գրկախառնվելով, մնում ենք Ձեր խոնարհ ծառայակից և եղբայր ի Զրիստոս՝

ԵՓՐԵՄ Բ

Կաթողիկոս-Պատրիարք համայն Վրաց, Արքեպիսկոպոս Մցխեթայի և Մթիսիսի

ԹԲԻԼԻՍԻ

Ձերդ Սրբություն, սիրեցյալ Եղբայր ի Բրիստոս.

«Շնորհք ընդ Ձեզ և խաղաղութիւն յԱստուծոյ ի Հօրէ և ի Տեառնէ մերմէ Յիսուսէ Բրիստոսէ»:

Մինչ մեր Փրկչի Ծննդյան տոնը դարձյալ մոտենում է, Բրիստոսի անվամբ ողջունում ենք Ձեզ և գոհաբանությամբ վերհիշում հրեշտակի պատգամը.

«Մի՛ երկնչիք, զի ահաւասիկ աւետարանեմ ձեզ ուրախութիւն մեծ, որ եղիցի ամենայն ժողովրդեանն: Զի ծնաւ ձեզ այսօր Փրկիչ, որ է Օծեալ Տէր, ի քաղաքի Դաւթի» (Ղուկ. Ա 10—11):

Հրեշտակային ողջույնի սույն խոսքերով, հովիվները, զբաղված իրենց խոնարհ պարտականություններով, առաջինը եղան իմանալու մարդեղության ուրախ լուրը: Իրենց շուրջ գտնվող գիշերային մթությունը փարատվեց մեր Փրկչի Գալըստյան հրճվալի ավետիսով և ծայնովը երկնային հյուրընկալների, որոնք պաշտում էին և գովաբանում Աստուծուն, և շտապելով վազեցին բերելու իրենց մեծարանքը Մանուկ Թագավորի ոտքերի առաջ:

Մենք ևս, այս սուրբ օրերին, շտապում ենք հրճվանքով բերելու մեր խոնարհ պաշտամունքը Բրիստոսին, մեր Թագավորին և մեր Աստուծուն: Այսպես մենք միացած ենք մեր բոլոր հավատացյալներին, որոնք ընդունում և պաշտում են եռամեծ Աստուծուն, որ օրհնյալ է դարից դար:

Մեր մարդկային սրտերի հողեղեն անոթում, Ձեզ հետ մենք կկրենք փրկարար Ավետարանի գանձը, աղոթելով, որ Բրիստոսի հրճվանքը լինի բոլոր մարդկանց համար:

Ծննդյան այս օրերին, թո՛ղ ամենակարողն Աստված օրհնի Ձեզ, իմ սիրելի՛ Եղբայր, Ձեր բոլոր հոգևորականության և հավատացյալ ժողովրդի հետ, որոնք հանձնված են Ձեր խնամքին, և թո՛ղ Նա զորացնի Ձեզ բոլորիդ իր ծառայության մեջ:

Եղբայրական սիրով և ողջույններով, Ձեզ սիրող եղբայր ի Բրիստոս,

ՄԱՅՁԼ ՌԵՄՋԻ

Արքեպիսկոպոս Զենտրբերիի,

Եպիսկոպոսապետ և Միտրոպոլիտ համայն Անգլիայի

ԼՈՆԴՈՆ

Ձերդ Վեհափառություն, սիրեցյալ Եղբայր ի Բրիստոս.

Սիրով շնորհակալություն ենք հայտնում Ձեզ, Ձերդ Սրբության կողմից Մեզ ուղարկված նամակի համար. քրիստոնեական մեծ տոնի՝ մեր Տիրոջ՝ Հիսուս Բրիստոսի Ծննդյան առթիվ:

Քրիստոնեական եկեղեցիները, աշխարհի բոլոր կողմերում, անսահման ուրախությամբ, տոնում են այսօր մեր Տիրոջ՝ Հիսուս Բրիստոսի Ս. Ծնունդը:

Ռումին Ուղղափառ եկեղեցին, իր նվիրապետական Աթոռներով, իր ծառայողներով և հավատացյալներով, բաշխում է քրիստոնեության այս ուրախությունը, Մեր միջոցով, մարդացյալ Բրիստոսով ողջույններ հաղորդելով Ձերդ Վեհափառության և Հայաստանյայց Ս. Եկեղեցուն:

Տիրոջ Ծննդյան տոնը բերում է քրիստոնեության գիտակցության առաջ իրականություններ և ուսմունքներ, որոնք երբեք չեն հնանում:

Բեթղեհեմում ծնված Մանուկը՝ «Բանն Աստուած... Նա էր ի սկզբանե առ Աստուած... Ամենայն ինչ նովաւ եղև... Եւ Բանն մարմին եղև և բնակեաց ի մեզ...» (Յովհ. Ա 1—3, 14):

Իր ժողովրդի մեջ հայտնությունը Աստուծո անսահման սիրո արտահայտությունն է դեպի աշխարհ. «Զի այնպէս սիրեաց Աստուած զաշխարհ, մինչև զՈրդին իւր Միածին ետ. զի ամենայն որ հաւատայ ի Նա՝ մի՛ կորիցէ, այլ ընկալցի զկեանսն յաւիտեականս» (Յովհ. Գ 16):

Պատգամը, զոր բերեց Նա աշխարհին ծննդյան իսկ օրից, հեշտակների ավետիսն էր. «Փա՛ռք ի բարձունս Աստուծոյ, և յերկիր խաղաղութիւն, ի մարդիկ հաճութիւն» (Ղուկ. Բ 14):

Բոլոր նրանք, ովքեր այս աշխարհում խոստովանում են իրողությունները և տարածում են այս ուսմունքները, կապմուն են ի Զրիստոս մի մեծ Եկեղեցին, հիմնադրված իր կողմից, որը միակ Գլուխն է այս Եկեղեցուն, «իսկ Եկեղեցին իր մարմինն է» (Եփես. Ե 23):

Այս ճշմարտությունները ստիպում են մեզ, բոլոր քրիստոնեական Եկեղեցիների եպիսկոպոսներին, մասնակցելու «ի հաստատություն սրբոց, ի գործ պաշտաման, ի շինուած մարմնոյն Զրիստոսի», որով և «ճշմարտեալք սիրով՝ աճեցուցուր ի նա զամենայն որ է գլուխ, Զրիստոս» (Եփես. Դ 12, 15):

Այս բոլորը հիշելով, ի բովանդակ սրտե աղաչում ենք Տիրոջը՝ Աստվածորդվույն, որ Զերդ Սրբության, Զեր նվիրապետական Աթոռների պետերին, Զեր Եկեղեցու ծառայողներին և հավատացյալներին պարգևի առողջություն, ուրախություն և բարգավաճում, իսկ նոր տարին՝ 1965 թվականը, Տիրոջ ծննդյան օրը, քրիստոնեական եկեղեցիներին և բոլոր ժողովուրդներին բերի հրեշտակների ավետիսի իրականացումը. «Եւ յերկիր խաղաղութիւն, ի մարդիկ հաճութիւն»:

Ողջագուրելով Զեզ սուրբ համբույրով, մնում ենք Զերդ Վեհափառության բարի աղոթողը և եղբայրն ի Զրիստոս մարդացյալ,

ՀՈՒՍՏԻՆԻԱՆ

Պատրիարք Ռումինիայի

ԲՈՒՍԱՐԵՍՏ

Զերդ Սրբություն, սիրեցյալ եղբայր ի Զրիստոս.

Անձամբ մեր և Բուլղար Ուղղափառ Եկեղեցու Ս. Սինոդի անունից սիրով ու սրտագինս ողջունում ենք Զեզ Զրիստոսի ծննդյան և 1965 նոր տարվա տոների առթիվ:

Հրեշտակների երգով ավետվեց Զրիստոս Աստուծո ծնունդը, իբրև ամենանշանակալից իրադարձությունը մարդկային պատմության: Հրեշտակներն ավետեցին, որ նորածին Զրիստոսը պիտի փառաբանի երկնավոր Հորը և պիտի բարոյի խաղաղություն ու հաճություն մարդկանց միջև, դրանով իսկ գոհացում տալու համար մարդկանց ամենանվիրական զգացմունքներին:

Ս. Ծննդյան այս ուրախալի տոնին, մենք ևս պետք է մեր ծայրը միացնենք հրեշտակների օրհներգության՝ «յերկիր խաղաղութիւն և ի մարդիկ հաճութիւն»: Եվ մեր ծայրը ներկայիս պիտի հնչի առավել ուժգին, քան Զրիստոսի հետնորդների ծայրը անցյալում, որովհետև այսօր խաղաղությունը և հաճությունը առավել վտանգված են, որովհետև կործանման միջոցները երբեք այնքան զորավոր չեն եղել, ինչքան մեր ժամանակներում:

Աղոթագին հայցում ենք Զրիստոս Աստուծուց, որ օրհնաբեր ու բարօր լինի նոր տարին, որպեսզի բոլոր մարդիկ աշխարհում ապրեն խաղաղությամբ ու սիրով և կատարեն բարի ու ճշմարիտ գործեր՝ ի փառս Աստուծո, հանուն խաղաղության երկրի վրա, հանուն բարեկամության ժողովուրդների միջև, հանուն հաճության մարդկանց միջև:

Կրկին ողջունում ենք Զեզ եղբայրական համբույրներով և աղոթում առ Աստված, որ պարգևի Զեզ բաջառողջություն և ուժ՝ երկար տարիներ ծառայելու համար Զեր Զրիստոսասեր հոտին:

Հանձնվելով Զերդ Սրբության սուրբ աղոթքներին, մնամ՝

ԿՑՈՒՐԵՂ

ՍՈՖԻԱ

Պատրիարք Բուլղարիայի

Նորին Երանություն, Ամենայն Հայոց Պատրիարք և Կաթողիկոս, ի Զրիստոս մեր խոնարհության պաշտոնակից Տ. Տ. Վազգենին, ցանկություններ, համբույրներ, եղբայրական ողջույններ և սրտագին շնորհավորանքներ:

Լցված մեր առաջնորդների, մեր միաբանության և հավատարիմ զավակների հոգևոր խնդությամբ, փառաբանում ենք Զրիստոսի Ծննդյան փառավոր տոնը:

Ցանկանում ենք այդ առթիվ բաժանել այդ ուրախությունը մեզ թանկագին Զերդ Սրբության, առաջնորդների, միաբանության՝ Հայոց քույր Եկեղեցու հետ և մեր ընդհանուր աղոթքներով խնդրել աստվածային ողորմությունը՝ շնորհելու մարդկության «յերկիր խաղաղութիւն և ի մարդիկ հաճութիւն»:

Այս մտածումներով և ցանկություններով, ազնվաբարո մեր Բարեկամին՝ Չերդ Սրբության, ցանկանում ենք Աստուծուց երկար կյանք և քաջառորջություն՝ ի փառս Հայոց ըույր Եկեղեցու:

Շնորհավորում ենք նաև առաջիկա 1965 թվականը: Հղում ենք Ձեզ մեր հինավուրց շնորհավորանքները:

«Քրիստոս ծնա՛ւ»:

Հանձնում ենք մեզ՝ Ձեր սուրբ աղոթքներին և մնում նորածին Քրիստոս Փրկչով Ձեր եղբայր և ծառայակից՝

ՀԵՐՄԱՆ

Պատրիարք համայն Սեբեիայի

ԲԵԼԳՐԱԴ

Չերդ Սրբություն.

Այս լուսավոր տոնին, երբ հրճվալի սրտով փառք ու պատիվ ենք ձոնում Բեթղեմի քարայրում ծնված խաղաղության Իշխանին, Չերդ Սրբության հղում ենք սրտագին և անկեղծ բարեմաղթություններ: Բեթղեմի փառաբանյալ Մանուկը մեծագույն խաղաղարարն է, խաղաղարարը մարդու և Աստուծո միջև, խաղաղարարը ժողովուրդների և համայն մարդկության, և մենք կամենում ենք ամբողջ հոգով հետևել Նրան:

Անձամբ իմ, Չեխոսլովակիայի Ազգային Եկեղեցու կենտրոնական խորհրդի և մեր հավատացյալ ժողովրդի անունից, կամենում ենք հայտնել մեր ուրախությունը առ այն, որ մենք կարող ենք ընթանալ եղբայրական միասնության ճանապարհով, Չերդ Սրբության և Ձեր գլխավորած Եկեղեցու հետ միասին:

Մաղթում ենք, որ Տերը առատորեն բաշխի իր շնորհները ամենքիդ՝ Ձեզ, Ձեր Եկեղեցու հոգևոր դասին և համայն հայ ժողովրդին 1965 թվականին, որը, վստահ ենք, նորից կհանդիսանա գործակցության տարի: Թո՛ղ Տիրոջ պատվիրանները կյանքի և խաղաղության մասին առավել ամրապնդվեն երկրի վրա և թո՛ղ մարդկանց սրտերում պորանան խաղաղության, ուրախության և հույսի պզգցումները:

Ես հավաստիացնում եմ Չերդ Սրբության իմ խորին նվիրվածության մասին և, հայցելով Ձեր աղոթքները, մնում եմ անկեղծ սիրով ի Քրիստոս,

ԴՈԿՏ. ՄԻՐՈՍԼԱՎ ՆՈՎԱԿ

Պատրիարք Չեխոսլովակյան Եկեղեցու

ՊՐԱԳԱ

Ուրախությամբ ուկնդրելով սուրբ հրեշտակներին, որոնք փառաբանության երգերով ավետարանում են, որ այսօր ծնավ մեզ համար Փրկիչը Դավթի քաղաքում, որ է Տերն մեր Քրիստոս, և այդ ուրախությունը Չերդ Սրբության ևս հաղորդելով, խնդրում ենք մեր մարդացյալ Տիրոջ, որ պահպանի Ձեզ առողջ, անցավ, և աստվածասեր ու աստվածահաճո կերպով հովվեք Ձեզ վստահված Տիրոջ հոտը՝ ի փառս մեր Քրիստոսի, մեր Ուղղափառ Եկեղեցու:

Այս առթիվ մաղթելով, որ Տերը օրհնի Ձեզ և իր շնորհները բաշխի նոր տարվա առթիվ, ողջունում ենք սրտանց Չերդ սիրեցյալ Սրբության և մնում ի Քրիստոս եղբայր Ձեր,

ԽՐԻՍՏՈՍՏՈՄՈՍ

Արքեպիսկոպոս Աթենքի և համայն Հունաստանի

Ա.Թ.Ե.Ն.Ք

Դարեր առաջ էր Բանն Աստուծո, որ երկրի վրա և մսուրի մեջ պիտի ծնվեր որպես Մանուկ, որը պիտի ապատեր մարդկությանը մեղքի ստրկությունից և պիտի բարձրացներ մարդու անկյալ պատկերը:

Մեր հոգու խորքից շնորհակալ լինելով մեր Տեր Աստուծուց, որ իր շնորհիվ, դարձյալ արժանանում ենք տոնելու Նրա ծնունդը երկրի վրա, մարգարեի հետ

բացականչում ենք. «Օրհնեալ Տէր Աստուած Իսրայելի, զի յայց ել մեզ, և արար փրկութիւն ժողովրդեան իւրում» (Ղուկ. Ա 68), և հրեշտակների հետ ուրախութեամբ երգում ենք. «Փա՛ռք ի բարձունս Աստուծոյ և յերկիր խաղաղութիւն, ի մարդիկ հաճութիւն» (Ղուկ. Բ 14):

Շնորհավորելով Ձեր սիրեցյալ Սրբութեանը այս ուրախ տոնի առթիւ, աղոթում ենք մեզ համար մարդացյալ Աստուծուն, որպեսզի պահի Ձեզ առողջ և օրհնի, և հաջողություն պարգևի Ձեր գործերին՝ ի բարօրություն Եկեղեցու, արժանացնի Ձեզ երկար տարիներ տոնելու Նրա սուրբ մարդեղությունը մարդկային ցեղի փրկության համար, և նոր տարում պարգևի Ձեզ երկնային օրհնություններ և շնորհներ:

Ձերդ Սրբութեան սիրող եղբայր ի Զրիստոս,

ՄԱԿԱՐԻՈՍ

Միտրոպոլիտ Կիպրոսի

ՆԻԿՈԶԻԱ

Ջերմագին շնորհակալություն կհայտնենք Ձեր եղբայրական ավնիվ պատգամին համար և կվստահենք Ձերդ Սրբությունը՝ Ձեր երջանկության և մեր սիրեցյալ ժողովրդի բարգավաճման, ինչպես նաև համաշխարհային եղբայրության և խաղաղության պահպանության համար մեր անկեղծ աղոթքներուն մասին:

ԿԱՐԴԻՆԱԼ ԱՂԱՋԱՆՅԱՆ

ՎԱՏԻԿԱՆ

Սրտի մեծ ուրախութեամբ ստացանք Ձեր բարեմաղթությունները Ս. Ծննդյան առթիւ:

Հաճեցեք ընդունիլ փոխադարձ մեր սրտագին մաղթանքները, միացած մեր աղոթքին առ ամենաբարին Աստված, որպեսզի պարգևե Ձեզի երջանիկ և սուրբ տարի, լի հոգևոր և ժամանակավոր մխիթարություններով և բազմաթիվ հաջողություններով, հոգուտ հոգիներու, ի պայծառություն Ս. Եկեղեցվո և ի սփոփում մեր սիրելի հայ ժողովուրդին:

Հիսուսի ծնունդը, որ Արդարության Արեգակին ծագումն է հաշխարհի, թող լուսավորե բոլոր միտքերը, որպեսզի մարդիկ Աստուծո դառնան անկեղծությամբ և հավատարմությամբ և ջանան Անոր հաճելի ըլլալ: Աշխարհի խաղաղությունը կապված է մարդկության Աստուծո ընծայած փառքի տրիտուրին. «Փա՛ռք ի բարձունս Աստուծոյ, և յերկիր խաղաղութիւն, ի մարդիկ հաճութիւն»:

Կթևակոխենք տարի մը, որուն ընթացքին հայ ազգը հիսնամյակը պիտի կատարե տարագրությանց և ջարդերու: Ասոնք, մեր պատմության ամենատխուր օրերն մին ըլլալով հանդերձ, կհանդիսանան, մեզի և ապագա սերունդներուն, ճշմարիտ փառքի և պարծանքի օրեր, որոնց մեջ մեր աննման ժողովուրդը, Վարդանանց հարապատ սերունդը, ցույց տվավ, իր արյունով իսկ, իր սերը կրոնի և հայրենիքի:

Մեզի համար անպատում մխիթարություն եղան Պավղոս Զ Սրբապան Զահանայապետին հրավերը՝ ուղղված աշխարհի կաթողիկե բոլոր եպիսկոպոսներուն՝ այդ հիշատակը կատարելու՝ և Նորին Սրբութեան մասնակցությունը անմահ սուրբ պատարագին, զոր, այդ առթիւ, մատուցինք Ս. Պետրոսի Մայր Տաճարին մեջ, 18 նոյեմբեր 1964:

Հաճուքով կարդացինք նաև Ձեր կոնդակը, որով, պանծացնելով հիշատակը մեր նահատակներուն, կհրավիրեք հայությունը ընթանալու անոնց վսեմ օրինակին համաձայն:

Մաղթելով, որ Աստված, բարեխոսությամբ մեր նահատակներուն, հաճի լսել Ձեր և մեր աղոթքը, մնամք եղբայրական սիրո ջերմ ողջունիվ և հարգանք, Ձեր Ս. Օծության Աղոթակից,

ԻԳՆԱՏԻՈՍ ՊԵՏՐՈՍ ԺԶ ՊԱԹԱՆՅԱՆ

Կաթողիկոս-Պատրիարք Տանն Կիլիկիո

ԲԵՅՐՈՒԹ

Կինդրեմ Ձերդ Սրբության ընդունելու իմ սրտագին բարեկամական ողջույններն ու շնորհավորանքները նոր տարվա և Զրիստոսի Ս. Ծննդյան տոների առթիվ:
Աղոթելով հայցում ենք աստվածային շնորհներ, առողջություն և մեծ հաջողություններ Ձեզ, ի բարօրություն հայոց հինավուրց Եկեղեցու և համայն քրիստոնեության:

ԳՈՒՍՏԱՎ ՏՈՒՐՍ

Լատվիայի Ավետարանական-Լուսերական
Եկեղեցու Արքեպիսկոպոս

Ռ. Ի. Գ. Ա.

Ձերդ Սրբություն.

Մեր Տեր Հիսուս Զրիստոսի քրիստոնեական այս խնդության օրերին, որ Նրա ծննդյամբ խաղաղություն են բերում մեր երկրին, ողջունում են Ձերդ Սրբության և սրտանց շնորհակալություն հայտնում Ձեր ողջույնի և բարի ցանկությունների համար:

Առաջիկա նոր տարին թո՛ղ լինի խաղաղության բարի տարի բոլոր ժողովուրդների համար, տարի Աստուծո ղորմության նրանց համար, որոնք ապավինում են Նրա երկնային օգնության և օրհնության:

Ընդունեցե՛ք, Ձերդ Սրբություն, անկեղծ ցանկությունս և աստվածային օգնությունը Ձեր սուրբ աշխատանքների մեջ:

Խորին հարգանքներով, Ձեզ անկեղծ,

ՅԱՆ ԿԻՅՎԻՏ

Լատվիայի Ավետարանական-Լուսերական
Եկեղեցու Արքեպիսկոպոս

Տ Ա Լ Լ Ի Ն

Վեհափա՛ռ Տեր.

Մեծ ուրախությամբ ստացանք Ձերդ Վեհափառության շնորհավորական նամակը, որ հեթդեհեմի անձառ խորհուրդին սրբազան ոգեկոչումով, կբերեր ավետավոր արձագանքը Ս. Էջմիածնի, մաղթանքներու և գեղեցիկ իղծերու հուսադրիչ օծությամբ:

Շնորհակալ ենք, Վեհափա՛ռ Տեր, այն աստվածահաճո աղոթքներուն համար, զոր մշտամրմունջ կբարձրացնեք առ Աստված, ի բարգավաճումն Մխիթարյան ուխտիս. վստահ ենք, թե աղոնց օժանդակությամբ է, որ պիտի կարենանք ի գլուխ հանել մեր նվիրական առաքելությունը՝ ի պայծառություն Ս. Եկեղեցվո և Հայ ազգիս:

Ձայնակից ենք ցնծագին, Վեհափա՛ռ Տեր, աղոթանվեր զգացումներով, համայն աշխարհի խաղաղության և հատկապես եկեղեցիներու միջև եղբայրական սիրո և սերտ միության Ձեր մաղթանքներուն: Արևելքի և Արևմուտքի մեծ եկեղեցիներու միջև ստեղծված նոր ոգին թող պսակվի Զրիստոսի օրհնությամբ, և չքանան դավար արգելքներն ու դժվարությունները, Սիրո Արեգակի ջերմությամբ:

Ամանորի սեմին, այս զգացումներով ցանկալի է մեզի ողջունել նոր դարաշրջանի մը երջանիկ արշալույսը, մինչ խորին մեծարանքով միաբանությանս և մեր սրտագին շնորհավորանքը կուղղենք Ձեզի, մաղթելով երջանիկ ու արևշատ օրեր, բեղուն և արդյունառատ գործունեություն, և կատարումը Ձեր աստվածանվեր նպատակներուն, ի պայծառություն Հայ Եկեղեցվո և հուրախություն բովանդակ հայ ժողովուրդին, հայրենիքի և Սփյուռքի մեջ:

Հայցելով խոնարհաբար Ձեր սուրբ աղոթքներուն օժանդակությունը համօրեն ուխտիս համար, և ողջունելով Ս. Էջմիածնի միաբանությանդ բոլոր սիրելի անդամները, լավագույն զգացումներով և ամենախորին հարգանքներով, մնամ Ձերդ Վեհափառ Տերության աղոթակից,

Հ. ՀՄԱՅԱԿ ՎԱՐԴԱՊԵՏ ԿԵՏԻԿՑԱՆ

Ընդհանուր աբբաիայր Մխիթարյան միաբանության

Վ Ե Ն Ե Տ Ի Վ

Վեհափառ Տեր.

Մեր Տիրոջ և Փրկչին ծննդյան առիթով, Ձեր Վեհափառության ջերմ սրտեն բխած մաղթանքներուն կպատասխանեմ շնորհակալությամբ և փոխադարձ սրտագին մաղթանքներով:

Երբ երկինք հրեշտակներով սիրո, հաշտության և խաղաղության ցանկալի ավետիսը կերգե համայն մարդկության, կաղոթենք նորածին Փրկչին, որ Վեհափառ Տերությունդ երկար տարիներ պահե Ձեզի հանձնված հոտին զխեն անպակաս, և Դուք բախտավոր ըլլաք տեսնելու մեր սիրելի հայ ժողովուրդին եղբայրական սիրով բարձրացումը և երջանկությունը:

Այս պգացումներով կմաղթեմ, որ իրականանան «Քրիստոս ծնա՛ւ և յայտնեցաւ, Ձեզ և մեզ մեծ աւետիս» մեր երկկողմանի շնորհավորություններն ու մաղթանքները:

Եղբայրական հարգալից ողջունիմ, աղոթակից,

Հ. ՄԵՍՐՈՊ ՎԱՐԴԱՊԵՏ ՀԱՊՈԶՅԱՆ

Արքեպիսկոպոս և ընդհանուր աբբա

Վ Ի Ե Ն Ն Ա

Սուրբ վայրերի բոլոր Ֆրանսիական վերակացուները և ես վերստին միանում ենք Ձերո՞ր Սրբության, Ս. Եկեղեցուն և Էջմիածնի ժողովրդին, մեր Տիրոջ և Վարդապետի՝ Հիսուս Քրիստոսի Ս. Ծննդյան և Աստվածահայտնության հրաշալի լուրին համար:

Մենք կհուսանք և կաղոթենք, որպեսզի «յերկիր խաղաղութիւն, ի մարդիկ հաճութիւն» պատգամը հիշվի բոլոր ազնիվ և անկեղծ մարդկանց և կառավարությունների կողմից:

Եղբայրական քրիստոնեական սիրով՝

ԼԻՆՂԻՍ ԿՈՊԻԵԼԻ

Վերակացու Սուրբ Երկրի

Ե Ր Ո Ւ Ս Ա Ղ Ե Մ

Շնորհն և խաղաղությունը մարմնացած Տիրոջ՝ Քրիստոսի, թող լինեն Ձեր Եկեղեցու հետ:

ՎԻՍԵՐ Դ՝ ՀՈՒՅՏ

Եկեղեցիների համաշխարհային խորհրդի
ընդհանուր քարտուղար

Ժ Ը Ն Ե Վ

ԱՆԴՐԿՈՎԿԱՍԻ ՄՈՒՍՈՒԼՄԱՆՆԵՐԻ ՀՈԳԵՎՈՐ ՎԱՐՉՈՒԹՅԱՆ ՇԵՑԽՈՒԼԻՍԼԱՄ ՀԱՋԻՄՋԱԴԵՆԻ ՄՈՒՖՏԻ ՎԵԼԻՋԱԴԵՆԻ

Բ Ա Ջ Ո Ւ

Սրտագինս ողջունում ենք Ձեզ և Ձեր հավատացյալ հոտը առաջիկա 1965 թվականի առիթով: Ամբողջ հոգով մաղթում ենք հաջողություն Ձեր աստվածահաճո գործունեության՝ ի բարօրություն մարդկանց և համրապնդումն ժողովուրդների միջև եղբայրության ու բարեկամության: Թո՛ղ Տերը պարգևի Ձեզ երկար կյանք և քաջամոռություն:

Վ Ա Ջ Գ Ե Ն Ա

ԾԱՅՐԱԳՈՒՅՆ ՊԱՏՐԻԱՐԶ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Է Զ Մ Ի Ա Ծ Ի Ն

ԱՄԵՆԱՅՆ ՀԱՅՈՑ ԿԱԹՈՂԻԿՈՍ Վ Ա Ջ Գ Ե Ն Ա

Է Զ Մ Ի Ա Ծ Ի Ն

Շնորհավորում ենք Ձեր նոր տարին և Քրիստոսի Ծննդյան տոնը: Մաղթում ենք քաջամոռություն և հաջողություններ խաղաղության համար մղվող պայքարում:

ՇԵՅՍՈՎԻԿԱՄ ՀԱՋԻՄՋԱԴԵ
ՄՈՒՖՏԻ ՎԱԼԻՋԱԴԵ